

vyhes dorch dy stat trybet, sullin sy von yedem rinde zewene hellere, von yedem swyne zewene hellere, von yedem schoffe adir schopzce eynen heller zeu czolle nemen. Unde waz yn von dem czolle des iares wirt unde gevellit, daz sullen sy kuntlich unde nuczlich an der stat gebuw legen unde vorbuwen, darumbe syc ouch forder den kleynen czol, den sy vor uf dem margte genomen habin, abetün unde nicht mer nemen sullen. So 5 umbe dy zewene iarmergte, dy ierlich zeu Grymme synt, habin wir geschicket unde heißen, daz man den ersten, der da ist noch ostern, uf den suntag iubilate halden unde habin sal dorobene uf dem alden margte unde den andern iarmargt, der da ist an dem suntage nach Bartholomei, den sal man halden hÿ nydene uf dem andern margte. So umbe dy wochenmergte habin wir geschicket unde heißen, daz cyne woche der margt 10 syn sal darobene uf dem alden margte unde dy andere woche uf dem andern margte syn sal, da man wochenmargt halden sal uf iglichin margte in syner woehen, als sich daz geburt, mit fleisch vischin brote unde an allen andern dingen, ane an wyne unde biere zeu schenken, daz yderman in synem huse wol tun mag. Daz dy obgeschrebene unser gnade, dye wir en getan haben, eweclichin unde unvorbrochin gehalden werde, des zeu 15 orkunde unde merer sicherheit habin wir unser ingesigil wissintlich an deßen brief laßen hengen. Hyeby sint gewest unde synt geczuge der edele grafe Hans von Swarczpurg, dye gestrengen er Heinrich von Kokericz unser hofemeister, er Offe von Slywyn, Cunrad von Brysenicz unde ander lute gnug, den wol ist zeu gloubene. Gegebin zeu Dresden noch gotis geburt dryezen hundirt iar darnach in deme nunczigisten iare am frytage vor 20 dem heiligen phyngistage.

55.

*Bürgermeister, Rath und Gemeine urkunden, daß sie auf Geheiß des Markgrafen Wilhelm alljährlich von dessen Jahrrente vierzig Schock neuer Meißner Groschen an Ludwig von Leisnig und nach seinem Tode an seine Enkel entrichten werden.*

1390 Juni 15. 25

*Hdschr.: Or. Perg. Hauptstaatsarchiv Dresden No. 4725 (mehrfach, jedenfalls behufs Cassirung durchschnitten). Das S. an Pergamentstreifen ist abgeschnitten.*

Ich Hanns Bone burgermeyster, Hencze Starke, Nickil Münz, Petir Naylman, Henczil Bule, Nicze Dresedan, Conrad Schindeler, Dittherich Lippenicz, Hanns Schonehanns, Lewe, Henrich Corber, Hanns Nünborg raczlüte unde gesworn der stad czû 30 Grime unde darczu dy ganzce gemeyne rich unde arm bekennen —, daz wir ern Ladewige von Lessnik, Petere unde Hanße sins sons kindern sachwalden, hern Petere von Lessnik syme sone czû vormündeschafft, hern Henrich von Kokericz gesessen czû Welin unde Henrich von Hêrsteyn czû getruwir hand gebin wolen unde sollenn ferezik schok nûwir Missner grosschin alle iar ierlich an unsers gnedigen hern hern Willhelms marg- 35 graffen czû Myssen iarrente, allzo her unns geheysen unde bescrebin had, czwenzik schok uf sente Walporigen tag der nest czûkumftig wird unde czwenzik schok grosschen dornoch uf den nestin czukumftigen sente Michahelis tag unde also vort alle iar ierlich unde globin daz vorgnante geld den vorgnanten gutlich czû beczalne ane arg unde hindernisse